



Meeqqat atuarianni angajullerni inuussutissarsiutinut sammiveqartut atuartitsissutitut neqerooruteqarsinnaalernissamik periarfissiisinnaaneq pillugu Naalakkersuisut UKA2023 nallertinnagu nalunaarusioqqullugit aalajangiiffigisassatut siunnersuut.

(Inatsisartunut ilaasortaq Aqqalu C. Jerimiassen, Atassut)

(Siullermeerneqarnera)

Qujanaq Inatsisartunut ilaasortamut Aqqalu C. Jerimiassen siunnersuuteqarnernut.

Ullumikkumiit amerlanerit ilinniagaqarsimanissaat, pisariaqartippaput. Tassunga atatillugu soorlu imaattoq, ukiorpassuarni ukkatarisorujussuusimagipput, meeqqat inuusuttullu GUX-imi ilinniarnissaat ilinniarfinnut allanut ingerlaqqinnginnerminni, taassumali kingunerisimavaa, inuussutissarsiornermut sammiveqartut ilinniartitsissutit puigulaarsimagigut.

Nassuerutigisariaqarparput, kikkut tamarmik, GUX-ernissaminnut tulluuttuunngimmata. Ilaannut pitsaanerpaajussaaq inuussutissarsiutit aallaavigalugit ilinniarneq. Kisiannili soorlu imaattoq, Meeqqat Atuariata ilinniartitaanerit taakku ukkatarivallaanngikkai. Tamanna allanngortittariaqarparput. Demokraatinut ilinniartitaanerit tamarmik assigiimmik iluatinnaateqarput. Inuiaqatigiinni sammisat tamarmik iluanni inuit Ilinniarluarsimasut pisariaqartippagut.

Tamanna tunngavigalugu silatusaarneruvoq misissussallugu, qanoriliorluta atuartut inuussutissarsiornermut tunngassuteqartunut ilinniarnissamut periarfissanut soqutiginnilersissinnaanerigut. Nalunaaruaassanersoq, soorlu uani siunnersuutigineqartutut, apeqquterujussuuvoq. Demokraatit Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliaq kajumissaarusuppaa siunnersuut oqallisigeqqullugu, ataatsimullu pitsaanerpaamik siunnersuuteqaqqullugit, qanoq pitsaanerpaamik qulakkeersinnaaneripput, atuartut klasseni annerniittut inuussutissarsiutinut sammiveqartut atuartitsissutinut saqqummiivigineqarsinnaanersut.

Taamatut oqaaseqaateqarluta siunnersuut Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliami suliareqqinneqarnissaa innersuussutigaaarput.